

MIXUPULO EKA MITLHERISO LEYI KAYIVELEKE YA XIBALO XA MALINGHENA XA TIKHAMPHANI YI SUNGULA KU TIRHISIWA KU NGA RI KHALE

Pretoria, 29 Hukuri 2018 - SARS ku nga ri khale yi ta sindzisa mixupulo ya mpfumaleko wa nandzeleriso eka mitlheriso leyi kayiveleke ya Xibalo xa Malinghena xa Tikhampthani (CIT).

Mixupulo ya mpfumaleko wa nandzeleriso yi ta sindzisiwa eka tikhampthani leti tsandzekaka ku rhumela mitlheriso ya xibalo xa malinghena tanihileswi swi lavekisaka xiswona ehansi ka Nawu wa Xibalo xa Malinghena, 1962, eka malembe ya nhlelelo lawa ya heleke enkarhini wa 2009 na malembe yan'wana lawa ya landzelaka, laha SARS yi nga ta nyika khamphani yaleyo xikoxo xa mahetelelo, laha khamphani yi tsandzekaka ku rhumela ntlheriso lowu kayiveleke eka 21 wa masiku ya bindzu ya xikoxo xa mahetelelo.

Mixupulo yi ta sukela eka R250 ku fikela R16 000, hi ku ya hi lahleko wa khamphani lowu hleleriweke kumbe malinghena leyi hakerisiwaka xibalo, eka ntlheriso lowu kayiveleke, naswona yi ta tlakuka hi ntsengo wo fana nhweti yin'wana na yin'wana leswaku mpfumaleko wa nandzeleriso wu ya emahlweni endzhaku ko sindzisiwa ka nxupulo wo sungula. Leswi swi hi ku ya hi Kavanyisa ka 15 ka Nawu wa Vufambisis bya Xibalo, 2011.

Swa boha eka tikhampthani hinkwato leti tsarisiweke – letitsongo kumbe letikulu – ku rhumela mitlheriso ya xibalo xa malinghena eka 12 wa tinhweti ya ku hela ka lembeximali ra khamphani. Leswi swi nga endliwa eka eFiling.

Xibalo xa Malinghena xa Tikhampthani (CIT) xi hakeriwa hi tikhampthani leti nga vatshami eAfrika-Dzonga, tikhampthani leti kumaka malinghena kumbe leti nga na mbuyelo kumbe lahleko wa xuma eAfrika-Dzonga, kumbe leti nga na nhlango wa nkarhi hinkwawo (rhavi) eAfrika-Dzonga.

Swa nkoka, tikhampthani leti nga tirheku – tanihi xikombiso, tikhampthani leti tsarisiweke leti nga hava mimbuyelo kumbe tinhundzu – ti fanele ti fayila mitlheriso leyi kayiveleke ku nga si hundza 2018, ku sivela ku sindzisiwa ka nxupulo.

SARS yi ta sindzisa mixupulo hi ku tirhisa nhlelelo wa mixupulo leyi loko yi nga hakeriwangi yi nga ta landzela hi magoza yo londza swikweleti. Khamphani yi ta kombela ku vevukiseriwa nxupulo ku suka eka SARS naswona laha wu nga nyikiwangiki, khamphani yi na mfanelo yo vika nkaneto eka eFiling ehenhla ka xibo ho xo ala ku vevukisa.

Tikhampthani leti lavaka vuxokoxoko byo tala ti hlohloteriwa ku endzela webusayiti ya SARS mayelana na leswintshwa eka [pheji ra CIT](#). Vahakelaxibalo va nga tlhela va tihlanganisa na SARS Contact Centre eka 0800 00 7277.